



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 33. De vita Domini ab anno ætatis suæ duodecimo, usque ad
trigesimum. Myst. punct. 1.

[urn:nbn:de:hbz:466:1-60232](https://nbn-resolving.org/urn:nbn:de:hbz:466:1-60232)

MEDITATIO XXXIII.

De Vita Domini, ab anno ætatis suæ duodecimo, usque ad trigesimum Luc. 2.

Myst. punct. 1.

CONG. More hujus hebdomadæ.

PRÆL. I. Christus subditus erat, & obediens Parentibus.

PRÆL. II. Imaginari sibi domum, in quâ Christi stus habitavit in Nazareth.

PRÆL. III. Postulare gratiam, exemplo Christi tum legum, tum superiorum mandatis obediendi.

PUNCTUM I. PERSONÆ. MEM. Oculos convertere ad personam Christi, jam duodecim annis majorem, commorantem cum Matre suâ & Nutritio.

INTEL. Contemplemur, oculos ejus, gestus, mores, & totam corporis compositionem; scrutemur interna ejus studia. Dirigebat ipse totum se ad hoc, ut placeret, serviret, & obediret Matri suæ, & Josepho. REFL. Hoc exemplo docti, si velimus sequi Christum, debemus similiter nos totos componere ad obediendum superioribus, cum *internâ reverentiâ, & amore* erga eos, sicut exigit Reg. 31. summ.

VOL. Anhelemus ad perfectam obedientiam, ut Christo assimilemur. juxtâ Reg. summ. 31. *Superio-*

rem

rem (*quicumque ille sit*) loco Christi Domini nostri, agnoscamus : & attendamus juxtà Reg. 33. etiam ad *signum voluntatis superioris, sine ullo expresso precepto.*

PUNCTUM II. VERBA. MEM. Audiamus Christum inter alacres illos obedientiæ actus loquentem.

INTEL. Verbo, & facto nobis inculcat illud Deuter. 5. *Honora Patrem tuum. & Matrem.* Item illud Hebr. 13. *Obedite prepositis vestris, & subjacete eis. ipsi enim pervigilant ... ut cum gaudio hoc faciant, & non gementes, hoc enim non expedit vobis.* **REFL.** Habemus hîc, ad quod nos examinemus.

VOL. Excitemus affectum amoris erga Christum, propter tantam bonitatem, quâ nobis dignatus est dare tam suave exemplum obedientiæ: agamus gratias, sequamur ipsum.

PUNCTUM. III. OPERA. MEM. *Et erat subditus illis.* Luc. 2.

INTEL. Contemplemur Christum non tantum nos hortantem verbo; sed opere ipso nobis in obediendo præeuntem. Intueamur, quàm celeriter, quàm promptè, quàm integrè, de mane ad vesperam omnia exequatur, quæ vel signo Mater aut Joseph, ostendebant sibi placitura. **REFL.** Ad hæc iterum exploranda sunt opera obedientiæ nostræ.

VOL. Exclamemus: o! Beata, & felix familia religiosa, ubi sic obeditur! Enitamur omnes ad hanc virtutem, ita societati nostræ à Fundatore commendatam.

COL-

COLLOQ. Ad Christum humillimis precibus petendo, ut nobis gratiam perfectæ obedientiæ dignetur largiri juxta Regulas nostras *de obedientiâ*, in quibus vita Christi ab anno duodecimo, quasi depingitur.

RECOLLECTIO. REPETITIO. APPLICATIO SENSUUM.

MEDITATIO XXXIV.

De Vita Domini, ab anno ætatis suæ duodecimo, usque ad trigesimum Luc. 2.

Myft. punct. 3.

CONG. De more.

PRÆL. I. *Christus proficiebat scientiâ, et ætate, & gratiâ, Luc. 2.*

PRÆL. II. Imaginari sibi eandem domum in Nazareth.

PRÆL. III. Petere, ut inspectâ vitâ Christi in domo maternâ, crescat in nobis amor erga illum.

PUNCTUM I. PERSONÆ. MEM. Aspiceret Christum proficientem *ætate*; modò quindecim, modò viginti, modò plurium annorum.

INTEL. Contemplemur ipsum in omni ætate illâ, quia erat *speciosus formâ præ filiis hominum Ps. 44.* & illa species maximè oriebatur ab interiori: *quia in ipso inhabitat omnis plenitudo Divinitatis. Col. 2.* REFL. Concludamus nihil inveniri, quod à nobis meri-